

Sam Boux Baengzyoux Ndei

三个好朋友

Youq aen cin doenghduh gyaundeidei ndeu, youq miz sam boux baengzyoux daegbied ndei. Gyoengqde dwg duz meuz Vahvah, duz ma Bijlah caeuq duz mou Nizgwz.

Miz ngoenz ndeu, Vahvah bae ranz Nizgwz guhcaemz. De yawjraen bakdou ranz Nizgwz doi rim nyapnyaj, couh daezsingi Nizgwz, heuh Nizgwz ganjvaiq daeh nyapnyaj daengz camhnyapnyaj ndaw ndoengfaex bae. Hoeng, duz mou Nizgwz gij binghik de youh fat lo, de yiemz camhnyapnyaj ndaw ndoengfaex gya lai, yienghneix couh laeglemx raix nyapnyaj roengz dah iq bae. Couh yienghneix, miz baez daih' it le, couh miz baez daihngaih, dah iq baenz camhnyapnyaj Nizgwz lo! Mbangi doenghduz ndaw cin hix hag Nizgwz yienghneix.....

Ngoenzsinghiz, Vahvah bae henz dah epbya. De byaij dwk byaij dwk, gya' gya' couh mup daengz raq hei-

haeu ndeu. Daengz henz dah baez yawj, ya! Ndaw dah miz haujlai nyapnyaj fatmwt fathaeu, haujlai bya cungi dai lo, fouz youq naj raemx. Vahvah ganjgip bae cam Bijlah, Bijlah ngeiz dwg Nizgwz dawz nyapnyaj raix roengz dah bae.

Song boux de ngauz singi Nizgwz cingq youq ndaw ranz ninz haenx, cam: "Nyapnyaj ndaw dah dwg mbouj dwg mwngz raix?"

Nizgwz daekieq naeuz: "Dwg ha, camhnyapnyaj ndaw ndoengfaex saedcaih gya lai lo. Aen banhfap gou ndei ba? Baezlaeng sou hix gaej bae camhnyapnyaj raix nyapnyaj lo, cigsoh raix roengz dah bae ndaej lo."

Vahvah hozndat naeuz: "Ndei mbouj ndei, mwngz riengz dou bae henz dah yawjyawj couh rox lo!"

Nizgwz ngeizvaeg dwk riengz Vahvah caeuq Bijlah daeujaengz henz dah. Heiqhaeu cienz daeuq, Nizgwz ganjgip goemq aen ndaeng, naeuz: "Baenzlawz baenzneix haeu ha?" Vahvah daengxda de mbat ndeu, naeuz: "Yawjyawj gij saehndei mwngz guh neix!"

Nizgwz yawj nyapnyaj caeuq bya dai fouz gwnz dah haenx, najmong lo, de gipmuengz buet ma ranz, dawz daeuq hongdawz, cingleix nyapnyaj lo. Vahvah caeuq Bijlah hix daeuq bang de. Cingleix sat

nyapnyaj, Nizgwz uet hanh gwnz naj, naeuz: "Gou yaek ngoenzngoenz souj youq gizneix, mboujneix bouxwnq youh raix nyapnyaj roengz dah bae."

Vahvah naemjnaemj le, naeuz: "Dou lij dwg guh aen baiz ndeu, baek youq henz dah, daezsingi gyoengqde." Gangj sat, sam boux baengzyoux ndei baenbied guh hwnjdaeuq.

Daj neix hwnj, caiq hix mbouj miz doenghduz daeuq henzdah raix nyapnyaj lo, daihgya cungi dawz nyapnyaj daeh haeuq camhnyapnyaj bae. Dah iq doeklaeng hoizfuk gij yiengh gaxgonq, raemx sawndikndik, byalgw youq ndaw dah angqfwngfwng youz bae youz dauq.

Cincangj duz yiengz Danghmuj youq gwnz daihhoih cungjez nienzdaej daengx cin fat ciengj "naengzsoj iq henhoi vanzging" hawj Vahvah, Bijlah caeuq Nizgwz, gyoengqde mbouj rox geijlai angq ha!

(Ganhsuz Swngi Denhsuij Si Dughvei Yen Vwnzmiugaih Siujyoz ngeih nienzgaep Liuz Yizyenz)



Lauxsae Gyoengqdou

我们的老师

De, dawz ngaemxgingq, byoem dinj ndaemndwt, gokbak cungi daiq miz di riu ndeu, gig lumj boux gyausou daihhag. De couh dwg yijvwnz lauxsae Vangz lauxsae gyoengqdou.

Miz baez ndeu hwnjdanz, Vangz lauxsae cingq gangjgoq. Mwhde, gou itcig cazyawj duz roeglaej rog cueng. "Yingz Dung, hoenz mwngz dwg mbouj dwg deng duz roeglaej daiq hwnj gwnz diendanz bae lone?" Vangz lauxsae sawqmwh heuh gou, sawj gou wngqfouq mbouj gib, gou itseiz fanjying mbouj gvaqdaeuq, gipmuengz naeuz: "Dwg." Gyoengq doengzhag cungi riuha lo. Gou hoizsaenz gvaqdaeuq, najmong dwk ngaem gya' gya' roengzdaeuq. Vangz lauxsae youh naeuz: "Gyo' ndaej gou boux sien neix rag mwngz dauqma lo." Ndaw ban youh dwg sing riuha. Daj neix hwnj, gou geiq youq aen hit neix lo, mwh hwnjdanz caiq mbouj faensim lo.

Vangz lauxsae dwg boux lauxsae



rox gangjriu, sonsaw miz banhfap ndeu. Mwh gangjgoq, Vangz lauxsae cungi dawz govwnz "buq" ok, gyahwnj gangjavah mizyinx, hawj dou dingq haeujmaez bae. Vangz lauxsae couh lumj boux vwnzvixloh ndeu, daiq dou byaij haeuq aen biengz gvangqlangh he bae.

(Hoznanz Ho' gyah Yen Fungz-cangh Cin Cizvangz Siujyoz Yingz Dung)

Guh Vunz, Gaej Guh Gaeu

做人, 不要做藤

Cuengqhag naengh dendih ma ranz, gou aemq daehsaw gikgyan' gyan ing youq mbiengj ciengz baihlaeng dendih. Daxboh yawjraen le, yiemzduk doiq gou naeuz: "Seizseiz bienhbienh gizlawz cungi ing dwg sibgvengq gig mbouj ndei. Miz mbangj dendih baihlaeng dwg aen dou, dwg hai ndaej bw, ing youq baihgwnz gig yungyiempj. Ndaw gwndaenj raeuz haujlai doxgaiq mbouj dwg maenh lumj raeuz yawjraen haenx, seizseiz bienhbienh ing hwnjbae gig

yungyiempj."

Daxboh gaen dwk youh gangj giengh saeh caensaed ndeu: Miz boux lwngyez ndeu ing youq gwnz baengh yangzdaiz, doeklaeng gij baengh de soengdoengh lo, lwngyez neix daj gwnz laeuz doek roengzbae, mbouj miz mingh lo.

Dingq gij vah daxboh, gou lau raixcaix, caiq hix mbouj gamj luenh ing lo. Dauqsiengj gaxgonq, gou gingciengz naengh mbouj baenz naengh, ndwn mbouj baenz ndwn, mbouj dwg ing eij ing daiz, couh dwg ing ciengz, lienz byaij loh hix maij ing ndang bouxwnq, daihgya cungi naeuz gou lumj "diuz gaeu ndeu".

Ndaw govwnz dou hag haenx miz coenz vah yienghneix: "Ndwn lumj coengz, naengh lumj cung, byaij lumj rumz, ninz lumj gung." Gou baezlaeng itdingh haeujsim gij yienghsiengq swheij, guh boux vunz miz cingsaenz ndeu!

(Swconh Swngi Lozsanh Si Bozyangz siujyoz ngeih nienzgaep Bungz Yizcangh)

